



# Fréttabréf Naustaskóla

4. tölublað, 2. árgangur, 2. september 2009

Abygðarmaður: Ágúst Jakobsson

**Námsaðlögun • Athvarf • Umhyggja • Samvinna • Táp og fjör • Allir með!**

## Íþróttakennsla

Íþróttakennslan verður alfarið úti fram til 14. sept en eftir þann tíma fara nemendur í KA heimilið einu sinni í viku í íþróttir.

## Skólafærninámskeið

Áætlað hafði verið að halda skólafærninámskeið fyrir foreldra yngstu nemendanna nú í byrjun september. Við ákváðum að geyma það þar til aðeins síðar í mánuðinum og auglýsum það þegar þar að kemur.

## Skólafatnaður

Gera má ráð fyrir að þeir sem pöntuðu skólafatnað í byrjun skólaársins geti nálgast fötin seint í næstu viku. Við sendum út tilkynningu þegar að því kemur. Þeir sem misstu af tækifærinu verða því miður að bíða til áramóta en þá ætlum við aftur að safna pöntunum.

## Naustaskóli - símaskrá

460 4100 Aðalnúmer -ritari  
460 4111 Frístund  
460 4110 Fífilbrekka -leiksk.deild  
460 4101 Skólastjóri beinn sími  
460 4102 Deildarstjóri beinn sími  
460 4103 Kaffistofa  
460 4104 Vinnustofa 2. hæð  
460 4115 Vinnustofa 1. hæð  
460 4119 Fax

## Ágæta skólasamfélag

Naustaskóli hefur nú tekið til starfa af fullum krafti og fer starfið prýðilega af stað. Það má reyndar segja að fæðingin hafi verið nokkuð erfið vegna seinkunar á framkvæmdum við hús og lóð en nú eru mestu þrengingarnar væntanlega að baki. Hvað húsnæðið varðar eigum við nú aðeins eftir að fá afhentar heimilisfræði- og smíðastofur en gert er ráð fyrir að þær verði tilbúnar 11. september nk. Lóðin potast áfram og nú er komið að þeim langþráðu tímamótum að gervigrasvöllurinn kemst í gagnið, en eftir því hafa margir beðið með mikilli óþreyju. Framkvæmdum við lóðina lýkur hins vegar ekki að fullu fyrr en eftir miðjan september. Við höfum lagað okkur að aðstæðum eftir bestu getu, kennum t.d. dans í stað smíða til að byrja með, höfum stundum fengið afnot af lóð Naustatjarnar í frímínútunum o.s.frv. en þess má geta að þau nágrannar okkar hafa sannarlega reynst okkur haukar í horni á margvíslegan hátt og þökkum við þeim fyrir það. Það hefur verið aðdáunarvert að fylgjast með starfsfólki skólans sem hefur staðist fyrstu prófraunina með sóma og hvergi látið sér bregða þó aðstæður hafi verið erfiðar fyrstu dagana. Eins mæta nemendur spenntir og tilbúnir til leiks og reyndust þeir vera 153 í byrjun skólaársins. Foreldrum þökkum við fyrir margvíslegan stuðning, hvatningu og þá trú og traust sem okkur sem störfum við skólann er sýnt. Við munum leggja okkur öll fram við að standa undir því, minnug þess að okkur er treyst fyrir dýrmætustu eign hvers þess heimilis sem að skólanum stendur.

Til hamingju með nýja skólann okkar!

Ágúst Jakobsson

## Námsgögn fyrir nemendur

Þeir sem enn eiga eftir að borga fyrir námsgögn nemenda eru beðnir um að gera það sem fyrst. 3500 kr. fyrir nemendur í 1.-3. bekk en 3000 kr. fyrir nemendur í 4.-7. bekk. Reikn. 1105-15-200070 kt. 070372-5099

## Gjaldskrárbreyting - greiðsluseðlar

27. ágúst sl. samþykkti bæjarráð hækkan á gjaldi fyrir síðdegishressingu í Frístund. Hún mun frá 24. ágúst sl. kosta 100 kr. pr skipti.

Foreldrar eiga nú von á greiðsluseðlum fyrir fæði og vistun í ágúst og september og mjólk og ávexti á haustönn. Upphæðir á þeim greiðsluseðlum sem nú berast eru í flestum tilfellum óvenjulega háar vegna þess að um lengra tímabil er að ræða en venjulega er rukkað fyrir, auk ávaxtanna og mjólkurinnar fyrir alla haustönnina.

**Munið heimasíðuna okkar, þar ætlum við að hafa reglulega nýjar myndir og fréttir af starfinu hjá okkur.**

<http://www.naustaskoli.is>





## Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

# September 2009

Sunnudagur Mánudagur Þriðjudagur Miðvikudagur Fimmtudagur Föstudagur Laugardagur

|    |   |   |   |  |   |    |
|----|---|---|---|--|---|----|
|    |   | 1<br>Lasagna með salati                             | 2<br>Plokkfiskur m/<br>kartöflum, rúg-<br>brauði og smjöri              | 3<br>Lambasteik með<br>kartöflum, sósu<br>og grænmeti<br><br><b>Gervigrasvöllur<br/>opnaður :)</b>     | 4<br>Hrisgrjóna-<br>grautur, brauð og<br>álegg  | 5  |
| 6  | 7<br>Soðinn fiskur<br>með kartöflum,<br>rúgbrauði og<br>smjöri<br><br><b>6. bekkur fer í<br/>siglingu</b>   | 8<br>Hakk og spaghetti,<br>salat                    | 9<br>Steiktur fiskur<br>með kartöflum,<br>sósu og salati                | 10<br>Lambagullash með<br>kartöflumús  | 11<br>Grænmetissúpa,<br>brauð og álegg<br><br>Framkvæmdum<br>við húsið lýkur !                                      | 12 |
| 13 | 14<br>Soðinn fiskur<br>með kartöflum,<br>rúgbrauði og<br>smjöri<br><br><b>Inniþróttá-<br/>kennsla hefst</b> | 15<br>Biximatur með<br>salati                       | 16<br>Ostafiskur með<br>kartöflum og salati                             | 17<br>Kjúklingur m/<br>frönskum,<br>kartöflum sósu og<br>salati<br><br><b>Samr.pr. 4. og<br/>7. b.</b> | 18<br>Makkarónusúpa,<br>brauð og álegg<br><br><b>Samr.pr. 4. og<br/>7. b.</b>                                       | 19 |
| 20 | 21<br>Soðinn fiskur<br>með kartöflum,<br>rúgbrauði og<br>smjöri   | 22<br>Saxbauti með<br>kartöflumús og<br>sósu        | 23<br>Soðnar fiskibollur<br>með salati og<br>karrysósu                  | 24<br>Snitzel með salati,<br>kartöflum og<br>grænmeti  | 25<br><b><u>Starfsdagur -<br/>frí hjá<br/>nemendum</u></b><br><br><b><u>Frístund</u></b><br><br><b><u>lokuð</u></b> | 26 |
| 27 | 28<br>Soðinn fiskur<br>með kartöflum,<br>rúgbrauði og<br>smjöri   | 29<br>Slátur með<br>kartöflum, rófum<br>og jafningi | 30<br>Steiktur fiskur<br>með hrisgrjónum,<br>salati og súrsætri<br>sósu | 1<br>Hakkað buff með<br>kartöflumús og<br>sósu   | 2.<br>Hrisgrjóna-<br>grautur, brauð og<br>álegg   |    |



Athugið að Frístund verður lokuð á starfsdaginn 25. september. Skv. ákvörðun skólanefndar frá í vor fær starfsfólk Frístunda grunnskólann þrjá starfsdaga á skólaárinu, hjá okkur verða þeir 25. sept, 4. janúar og 6. apríl.

Það er enn pláss fyrir bækur á bókasafninu okkar !! :)